

genug bekandt seyn/ vnnnd auch mein Fürhabert
allhier nicht ist darvon zu schreiben/ weil es ande-
re vor mir gethan / vnd auch gemein genug ist/
derhalben vnnöthig ein mehrers davon zu mel-
den.

Diejenige Reißling / Quarz oder Hornstein/
welche fast allenthalben gefunden / vnd nur ein
wenig angeflögen/ Eisenschüssig / kießig/ es sey
gleich fix oder vnfix/ Gold bey sich haben/können
weder mit dem Mercurio noch Fluß mit Nuzen
zu gut gemacht werden / dannenhero es von den
Bergleuthen entweder auß Vnaußträglichkeit
oder Vnwissenheit der Sachen vnverrichtet
bleiben müssen.

Weil ich dann befunden / daß solche vnacht-
same Steine/ ob sie schon ganz wenig Gold hal-
ten/gleichwol mit grossem Nuzen können zu gut
gemacht werden ; also habe ich nicht vnterlassen
können / solche herrliche Wissenschaft / meinem
Neben-Christen zum Besten öffentlich an den
Tag zu geben/zweiffele ganz nicht/es werde diese
Offenbahrung viel hundert tausenden auff die
Bein helfen / vnnnd einen ehrlichen Vnterhalt
geben können. Denn ich sehr wol weiß/daß man-
cher ehrlicher Mann/ gelehrt vnd vngelehrt / an-
sehnlich vnd vnansehnlich / Edel vnd Vnedel/
Geistlich vnd Weltlich / entweder daß er durch
den Krieg oder ander Vnglück vmb das Seini-
ge kommen/vnd in Armuth gesezet ist/ bißweilen
nicht